

影印
文淵閣

四庫全書

影印

文淵閣四庫全書

第一二〇五冊

北京出版集團公司
北京出版社

本冊目次

弁山小隱吟錄	續軒渠集	附錄	定宇集	年別集	良齋詩集	知非堂稿	雲林集	梅花字字香前集	後集
--------	------	----	-----	-----	------	------	-----	---------	----

元黃玠撰……………一	元洪希文撰……………五七	元洪巖虎撰……………五七	元陳櫟撰……………一五一	元侯克中撰……………四五一	元何中撰……………五二三	元貢奎撰……………五九五	明貢元禮編……………五九五	元郭豫亨撰……………六六七
------------	--------------	--------------	--------------	---------------	--------------	--------------	---------------	---------------

欽定四庫全書

集部

弁山小隱吟錄卷一

詳校官中書臣孫衡

侍讀臣孫球覆勘

覆校官中書臣呂雲棟

校對官中書臣范來宗

謄錄監生臣龔果

欽定四庫全書

集部五

弁山小隱吟錄

別集類四元

提要

臣等謹案弁山小隱吟錄二卷元黃玠撰玠字伯成慈谿人流寓弁山故以名集其詩不為近體高者有元結遺意次者近乎白居易但不及二人之宏濶深厚耳中多勸戒之辭蓋亦剛方嫉俗者前有自序稱蔑有令德不敢謂隱獨以所得於天者薄故將退藏以終其身又言文中之言稱願上之人正身修德使時和歲豐已受其賜尤粹然有德之言勝矯語高蹈者遠矣乾隆四十二年五月恭校上

欽定四庫全書

弁山小隱吟錄
提要

總纂官臣紀昀臣陸錫熊臣孫士毅

總校官臣陸費墀

弁山小隱吟錄原序

黃氏之先宋祥符中自溫之樂清徙明之慈溪開先

生以來世篤儒業曾大父臨川府君建節鄉部始來城
居宦成而家益貧三子先大父最長至元丙子家燬於
兵厥後子孫挈而西來叔氏依婦家於越其在鄉里守
墳墓唯仲氏而已自余之西四十有餘載教授諸生以
資共養髮種種且白來日其幾餘哉又如是不止行將
焉歸茂有令德不敢謂隱獨以所得於天者薄不能顯

欽定四庫全書

弁山小隱吟錄
原序

故將退藏以終其身雪水之陽弁山之下有丘岑蔚思
構數楹以寄朝夕浮游江海間不能自還或靳之曰桑
蠶作繭猶知纏裹其身子漫不為計空言何裨應之曰
余游者也某水某丘游之寓也苟寓矣又何營之有秦
望東南遠欲無依稀禹穴向姚虞幾時把酒鄞江上却
對鄉山看此圖是余所題江山歸興圖詩也嘗求之則
隱之意可見矣昔文中子志不願仕唯願上之人正身
修德使時和歲豐已受其賜余雖不及古人苟獲所志

泉石林壑之娛風雲月露之賞不必弁山也夫歸必有
資既不能自資資於人而歸又余之所不能情發於中
而形於言目之曰弁山小隱吟錄錄以畀吾兒私藏之
於以紀吾游之寓而鄉土親戚之思亦可見也至正乙
酉冬十二月甲子弁山隱民黃玠序

欽定四庫全書

弁山小隱吟錄
原序

二

欽定四庫全書

弁山小隱吟錄卷一

元 黃玠 撰

古體五言

擬古

龍馬負靈圖、卦開人文天運當寅中民時方大昕制
字乃未多所言為典墳一往數千載懷哉聖神君
翳林無陽土暗谷多下泉登山履衆險險盡見杪顛人
居物物中物物能蔽天將身出物表萬象始昭然

欽定四庫全書

弁山小隱吟錄
卷一

一氣成歲功孰為四分之遂使春木榮不知秋葉萎天
道自有初物命亦有司任運得吾性無為無不為
天高九萬里疾若弩矢馳白日猶在下況爾衆物為翹
羽刷俊彩強欲凌空飛去人若不遠但使見者疑

感懷

積陰不可掃積懣不可道君子所可道小人以為勦世
事終渺茫物情慢衰老歸來日未昃自去庭中草
仙人大還丹可用更凡胎舉世不謂然逝矣誰能哀萬

事唯有醉奴子抱琴來十倍李供奉一飲三千杯

矩步恒彳亍捷走能千迴感彼元髮化聊復少銜杯陰

草夏即苑陽花冬亦開天序自有定不是偶然來

有酒可用醕無酒我當酤天運歲益差人事日不如羽

蟲何多言木葉已無數淒其衆草晚樂與佳菊遇

物蠹豈有極造物難為工我將剔除之刺芒鋤若鋒小

枝食已盡大枝旋復空蟲多飽即死花落為枯叢

盆中梅樹子為爾可憐生寒泥不五斗勿與大塊爭移

欽定四庫全書

弁山小隱吟錄
卷一

置池水頭照影池上、和、嚼花葉天地無餘清

娼鳥不可馴娼女不可親野性自難定豈知愛其身千

金買少妾屬託在他人譬如道旁花竟是為誰春

駕馬少良駒淑媛多令子大易重咸恒關雎明謹始橘

樹生南州渡江即為枳地氣使之然如何論天理

江左言風流王謝為稱首謚既坐姦回澹亦虧節守清

談本廢事何物非芻狗不忍書義熙侃獨有佳後

子雲投閣生綠珠墜樓死事主心弗移不若一婢子哀

哀莽大夫千古穢青史草元數萬言焉用識奇字

燔肉既不至孔子輒去魯醴酒復不設穆生亦辭楚古

人道義交政在慎出處寥哉聖賢心夫豈鋪啜故

花開君勿折花謝君勿掃掃花傷花心折花畏花嫩但

令尊有酒中懷得傾倒從花自開謝開好謝復好

上客有馮驩故更有任安二子久已死蓋見交道難軟

語相媚悅顛倒若轉丸孰云是可忍怒髮為衝冠

南州辮髮兒相從事觚槩陳遵好尺牘暇日聊口占悠

欽定四庫全書

舟山小隱吟錄

三

悠歷歲年寒暑若病瘧道德負初心誰獨受鍼砭

客有千金兒過我十尺舍狹隘不可留飛丸出彈射腰

下雕玉螭粹好絕羣躋信美非所珍聊足以相詫

朱絃有遺音琅然動清沚自喜若弗勝入耳何颯颯君

子道吾常咤俗多雜僂但念賞人稀不知聽者厭

白日何蒼蒼人中有梟獍酖毒不可懷猶將恣酣鬻司

命主督察雷公布天令慎爾恐自戕微我相詬病

儒有席上珍把玩足無厭梅花雖苦寒其中自清膽富

貴如燎毛炙手方炎炎貪戀之謂何仰天一長欠

昂然三尺松種之五斗盎俯身就嵌石毛髮如鬼狀雖

蒙華屋居故性終木強誰當宣其鬱使彼得疎暢

久客念還家還家復如客行李未及安期日相促迫勿

勿問衣襟草草篋書冊終歲恒若斯幾何頭不白

題吳季良東明軒

朝日出暘谷照我軒東榮煌煌天光發湛湛旦氣清定

志息喧雜澄心養虛靈八窓啓扇鑰萬象生光明

欽定四庫全書

舟山小隱吟錄

四

賦顧梅西煮雪

搖竹取殘雪松聲動寒吹金懷少餘歡石鼎作雅事極

清超水品至淡出天味行過梅花西喚起幽人睡

采蓮女

川日出已高江霏散如霧但聞采蓮曲不知采蓮處雙

雙相思鳥飛上相思樹幽人空爾懷欲往畏多露

寄胡伯衡兼呈叔父元理元美

憶昔少年日慷慨賦遠遊晨起攬白須始知天地秋寒

雲去鴈斷落木窮猿愁親故各異方誰當慰淹留此邦
非吾土悵望登茲樓長歌動幽憤汗漫不可收

陽鳥尚謀食候蟲猶念衣口體見驅迫使我遠別離歷
歷路半千迢迢江兩涯悠悠去鄉邑往往見繫縻年衰
酒況惡引飲不滿卮形影相慨惜恐為時所悲弁山非
故山愴然寄幽期餘生苟未隕猶及爾東歸

題章德懋蘭

竹樹何蕭蕭蕙蘭自奇芬水墨寫清影猶疑見湘原欲

欽定四庫全書

弁山小隱吟錄
卷一

五

持一卮酒酹此千歲魂但恐醉中意難與醒者言

賦傅伯玉來青軒

兩山送青來與人終日閒爽氣逼眉宇不似在塵間仰
觀天中雲擾擾去不還始知靜者佳取琴當戶彈

南堂偶成似衛耕間先生

倚闌看池水池水清若空煙沉樹色底日行雲影中翻
羽晞薄霧游絲汎光風躍魚自幽潛豈望能為龍才劣
不任官力弱不任農清世有華民我辰非不逢

賦陸子敬舊時月色亭

古月即已舊今月乃更新解后見顏色梅花如故人挽
彼簷下枝掛我頭上巾摘花不挿髮踏月走千巡橫笛
且勿吹良夜亦易晨恒恐明日至使我跡復陳願因白
免公託根之雪輪結子近瓊樓永與桂樹親

月下獨酌似謝李初叔久兄弟

風休露欲下雲過月如走一尊良夜初萬事中年後大
白真仙人俗客匪其偶孤斟不成歡引影作三友我今

欽定四庫全書

弁山小隱吟錄
卷一

六

笑問影頗亦解事否既能隨我身胡不開爾口傾杯月
入懷停杯月在手此月豈真月不飲復何有

寄衍上人索畫蘭

薄言采蘭蒨蘭葉

闕

人遠僻處荒山原崇

炫非素心澹泊性所存亦同桃李春不同桃李繁

衆芳非不佳蕙蒨尤楚楚亦荷雨露私如何在榛莽庶

將展微勞攬置羣玉府時我方未遑臨風獨延佇

漁子蕩兩槳來從湘水濱手抱青蘭枝言報山中春問

我日日醉恐貽楚叟嗔獨醒不在酒舉手謝野人

日出躋北林日入下西澁幽芳隔遠水水寒不可鴈歸
來看畫圖瀟洒美風製萬事何必真聊與爾同世

遊幻住菴留贈月千江上人

出郭動柔櫓春花始班班俯照清流正見衰病顏形
影自相笑浮沉人兩間胡能有定波蕩不得閒

村雨農事殷溪晴客衣暖佳人同綵舟沿洄繞芳甸吳

蠶近三眠魯桑連百畹相將采白蘋日與春俱晚

欽定四庫全書

香山小隱吟錄
卷一

七

既雨天復佳鳴鳥聲故故前溪春已深勸我脫布袴刺

箐亂清漣艇子入浦淑我袴不用脫汝自顧汝婦

維時桃始華野眺欣有睹沿洄度桑隰遙邈見穀土山

虛龍出雲谷暖鳥鳴雨來耨良足勤力薄奈何汝

謝長源為余言燕子事有感

舊雌有衆雛新雌來殺之蒺藜刺中腸並死無一遺持

竿逐娼鳥惡土汙人衣彼雄誠不才怨心當語誰祥覽

令我懼促壽令我思物態尚如是世情良足悲

慎勿買良田

慎勿買良田良田有豺虎豺虎不汝食官司推剝汝公
廩多急輸里正遭箠楚肉盡即見骨家破無死所茹葷
何必辛茹荼何必苦傷哉浙水民因此一犁土

與戴彥季張和倫游南山玲瓏洞

放舟出清茗鳴榔聲了牙歷歷覽勝絕行行入幽遐玲
瓏洞穴古疑有仙人家清風石上起吹老良薑花

與韓介石閑人梅磻遊黃龍洞

欽定四庫全書

香山小隱吟錄
卷一

八

龍君所幽潛嵌空若簪井投石風轉雷股栗怯深迴僮
奴夸捷走嘯呼已絕頂升高只自危聊復罷吾興

次韻孫尤實言詩

佳詩如飲泉一寒乃清真妙趣欲無我寧復有襲因學
之三十年同光猶隙塵擾擾共高下未足輕衆人多忤
言可忘薄奉氣乃醇義黃復何心適當天地春

與梁邦彥對雪飲酒禁體

五精闢嘉瑞一白徧林藪飄洒集衆妙點綴出羣有覆

藏失垢汙推壓見節守歲華乃爾清夜色不得黜僮奴
掖醉歸跡足沒已厚人生幾兩履素髮一搔首

移舟

移舟發江夕遠浦入雙樹蛙竈動煙火野宿在中露波
月光鱗鱗川霏雜輕霧濯手亂繁星水禽忽飛去

素菴旅次

積雨斂溽氛光風開日華先生澹懷士結屋如蘭闌庭

下昌歆根門前射千花

闕

香聞煮茶

欽定四庫全書

舟山小隱吟錄
卷一

九

似海雲使君

佳雲滿蓬萊常具五彩色溟滓一氣浮空濛萬川積合
散自有時變化忽無跡念彼霖雨功宜使蛟龍得

示男曾

昔別甬上居薄遊吳中郡恥從俗子言恐失名家韻生
兒似阿堆頗亦存軌訓常疑習氣遷思與學宮近

當湖早行

離離海氣分晶晶晨光發舟楫遠相呼川途正紆折翕

目聊假寐涼颼動毛髮客路繞天涯人家在林樾

題畫山水似盛子昭

冉冉山上雲纍纍水中石稍稍林莽高黯黯崖谷黑東
岡特秀絕拔地起千尺突兀衆峯間猶是太古色

連山根挿江江碧石齒齒層巔高出雲老樹下壓水巖
扉俯深迥磴道陟紆委欲持一壺酒慰彼幽棲子

前山如立稍後山如倚較遠近千萬山斗絕入牛角磬
頭積磊砢石面闢硤确是中無征徭民俗猶愿慙

欽定四庫全書

舟山小隱吟錄
卷一

十

回峯危欲墮峭徑深可入縈紆度壁鳴杳窕去井邑泉
懸淨練明崖擁積鐵澀緬懷貞白君相從負雲笈

題商山圖

美宦少寧居良田多賦率曼膚白如瓠仍防汙鉄鑽所
以商山翁深逃入堂密蔽蒂皆美樵不覩長安日揚揚
大逢衣翦翦小第室門巷既荒寒器具猶古質渴即引
井泉饑或餐木實微我異臯鸞從人自鳬乙平生紫芝
曲久不屈此膝鬚眉各皓然一為天下出

自贊并贈寫真陳伯玉

有形本皆幻聊與影相從於茲未能忘更欲求其同我
神夫豈遠故在阿堵中靈景合內外逍遙方未終

張伯壽煮石窩清坐

客主心兩忘清坐對荒寂吹火出青藜拾薪煮白石倚
闌荷氣涼移床竹陰夕素髮共飄蕭風期似疇昔

黃一峯莫莫齋

莫莫重莫莫車輪生四角歧路滿天涯歸人已林壑若

欽定四庫全書

弁山小隱吟錄
卷一

華能照夜莫草知合朔物有秀而靈唯吾貴淳朴

寒夜

寥寥遙夜清霍霍流景急餘生若斷緒夢紉不可緝屋
高寒影孤窻虛雨聲集僮奴懶欲休獨背殘燈立

稱大人壽

大人心坦坦大人貌雍雍凡此故宜壽始是八十翁左
雄多後福卓茂本寬中遂當享耄期妙願若芙蓉

曹繼善安雅齋

山行常蹇蹇水行夷且宛輕舟逐流水晨色猶漫漶雅

道樂安恬幽人有園館竹素紛委積軒楹颯閑遠微官
厭卑溥餘日甘冗散衣食豈餘饒菅蔴與蒲雍生兒似
江草辭氣尤愿款清吟楷法書作字特適婉嘅彼雲海
禽毛羽何豐滿去去迷所休恒憂百年短

聽劉希孟琴

公子青藜客寄懷在茲琴歌吟雜操弄將老嗜益深惜
惜古大雅如玉復如金下指舒以徐三數有遺音虛堂

欽定四庫全書

弁山小隱吟錄
卷一

初夜涼相為洗煩心小甕酒可得與君留月斟

答韓廷玉問詩

學詩自有律才流必經通詠歌成文章譬若水與風茫
茫沃雲日袞袞吹魚龍觸激從所遇萬變何可同恬淡
有餘韻奇崛難為工恒存言外意趣味斯無窮

竹亭用本韻

繞窗竹萬挺晝日起暝色允矣幽人貞懷哉君子德淡
食度清朝微吟答佳夕遺我青琅玕報之雙水碧

題韓介石所藏盛子昭畫

隆隆大谷深挺挺嘉木秀崇岡拆陰壑懸水落長雷槎
牙松顛迴側塞石角闕來者豈阮生尚爾冠服舊清嘯
滿空山高人在危構胡不從之居分瓢飲雲甕

章俊甫水心亭

羽客惡塗趨鮫人樂水居亭子在中止清漪涵四除隔
花聞好鳥俯闌見游魚悠悠川上意雅詠時相娛

與璉市巡檢楊德新

欽定四庫全書

弁山小隱吟錄
卷一

十三

鮭鰮徒有角用鷺不如鸚麒麟豈無趾走險不如猎看
君好眉宇蘭臺瑩而博子雲識奇字安能効巡捉盜律
如牛毛民風日偷薄彎弓欲誰擬聊復動鳴櫓煙疎榆柳
村水深蒹蒲澤代者久不來淹留竟何樂

重來吳興有懷松雪齋

采芳須得蘭軒堅須得檀懷哉古君子感此歲欲單青
山如靺鞨逴逴起林巒文章有正氣一何鬱盤盤雲來
松雪春雲去松雪寒藻翰雖不絕門樾今稀殘尚思燈

火夕舛謠見砭彈厚意何以報抱志空長嘆

贈鑿士葉古齋

昔者帝軒轅駕言師赤松相教服水玉問道崆峒宮文
字盡科斗故是開天功顧謂鬼臾區妙契將無同靈樞
發奧旨元氣春融融山川入攬挹草木臭味通懸壺隱
東市愧爾賣藥翁上下數千載猶在一日中

聽周子固琴

周郎妙音解臚子光射人山水有雅曲徽音得其真神

欽定四庫全書

弁山小隱吟錄
卷一

十四

閒應接暇氣和節調勻魚鳥亦飛躍雲風忽輪囷令我
不能去永懷願相親

擬送張子長赴史館

陳志稱穢史漢緒遂中絕不如誦杜詩忠槩何憤切我
將操玉斧騰飛入明月斷彼白兔毫製為董狐筆送子
萬里行聊用資作述大義或有乖慎爾寧勿勿

邵復孺映雪齋

邵子書有癖一寒四窻靜舉手倒執經夜映雪色冷側

晚生墨光天地無遺景希功厚積餘思與古人並

俞子昭山月軒

山月出未高爛如大銀槃及其當天中小於冰一九我
將問鬱儀青冥風露寒遠近且莫解沉爾闕與搏茲軒
特可喜倚闌終日看常疑猛虎嘯驚起女乘鸞

大雪有懷北中親友

南州三日雪墮地為堅永念我骨肉親束書向幽并馬
寒車折軸歲晚不得寧仰觀浮雲馳緬馬寄深情

欽定四庫全書

升山小隱吟錄
卷一

十五

雪壑海雲使君所自號也

雲來雪壑陰雲去雪壑明未見雪壑面已聞雪壑名豈
謂衆皆濁常使我獨清

雲去雪壑明雲來雪壑陰不從雪壑游不知雪壑心家
世本鐘鼎志願在山林

農舍

農舍如雞栖稚子煦簷隙陂田不作壟野水深及壁樹
老夕照黃草枯寒煙白魚畚設處處民有食菜色

題郭天錫雲山圖

翹翹山有木翳翳林有谷雨氣作深雲新陰如膏沐夫
豈無居人誅茅結溪屋幽栖不出戶野塘春水綠

張子英閑止齋

築室依甘泉蘭若滿中沚采掇子為誰雜珮玉樂樂擬
步即市門行行且已西山有爽氣朝來眉睫裏塵土
一振衣城郭清風起餘習久未忘篇帙故紛委方床十
尺舍亦有烏皮几彈琴碧雲合飲酒白日靡時時盡朋

欽定四庫全書

升山小隱吟錄
卷一

十六

簪森然會羣理領悟不必多凡百苟今是潛也何人斯
良猶慕之耳既醉旋復醒逍遙爾閑止

聞人梅礪聖室

聖室生白光方廣逾一丈真元不受采太素寧有象端
居靜衆念納氣入晃朗脩脩塵尾拂濟濟鶴羽瑩高燈
石月懸濃重暖雲上深雪擁梅花思致足寫傲

璉市有雙桂廟里父老云嵇司徒女墮并死樹
有靈怪人家喜慶歌樂之事必祭之如喜神云

廟前雙桂樹柯葉恒蒼蒼不知何王世司徒嵇氏塚女郎井中死靈恠相噴恐自謂得水仙誰當覺羣憐

題李紫實墨本竹枝

鄭谷愛吟詩夜聞巖竹折至今石上影猶帶山中雪刻彫妙入神餘情寄一永懷貞白君終身惟素節

月食

彼月有食之死魄無遺光至陰自肅肅豈曰敢亢陽天中有闇虛無乃俄相當奄忽就滅沒見者為憐傷幾欲

欽定四庫全書

舟山小隱吟錄

十五

張威弧舉矢射天狼恐非聖人意佇立但徊徨

贈禱早彭生黃仲珍家僮也

旱魃忍為虐祠龍拜靈星踉蹌作禹步符攝有依憑神官與鬼吏霍霍見使令雷從几上起雲逐劒口生一雨滂若注多稼勃已興自彼元氣神惠答如響應

題呂德常所藏雲西雪山小景

前岡斬如削後巘旋若顧溪寒嶂嶮晚雪沒剡中路將無乘興人過彼幽棲處應待月華生却棹扁舟去

水枕

水枕歌獨眠涼波蕩柔榜仰觀天宇高默默心自語清雲不蔽日濁雲乃多雨造物本無為一氣異消聚

華亭教諭張伯元歸錢塘

惻惻重惻惻舟舵動行色歲晚念尊親華亭有歸客琴清孤月白酒盡衆山碧樓閣倚高寒江空帆影側

次韻曹教諭見寄

涼風發秋夕落木振疎陰相思在咫尺兩契同一心微

欽定四庫全書

舟山小隱吟錄

十六

弦不下指寧我有遺音梧桐生下澤幾時成鳳林蹀躞雙遠遊獨繞庭中樹與世欲並臧行行迷所遇有客吹洞簫如泣亦如訴花月滿良宵如何此虛度

僮奴山中歸

僮奴山中歸為言山上松昔日搖鼠尾于今如桴龍結根依崇阿秀色排霜風可待生荻苓持以壽吾翁

石塘觀魚似謝伯昭伯禮

嘈嘈冰戛川潏潏魚在罾潛逃欲無所漁罟來闖闖鱗

髻見蹙迫首尾相藉枕援窮不擇木鹿死不擇音爾魚自有神胡不游廣深

五仄體思衛立禮作

我友衛伯子履道坦若砥瞪目視薄俗足不涉市里客至設雅飲屢屢不可已重爾意愛篤使我獨仰止夢寐若有覲寤歎隔遠水落月照屋梧睥面玉色起

次韻章俊甫訓子

前朝名宦孫承家以清白五縑玉有光百鍊金出色升

欽定四庫全書

升山小隱吟錄
卷一

十九

堂奉慈親甘芳極娛適推歡及同氣兄弟仍翕翕平生子孫念況肯勤戒飭叔郎炯雙瞻器量牛可食伯郎作大字日費三斗墨怒罵靜不聞舉步垂軌則概種必厚收譬彼農力穡通才識細務至理明大率洪鑪萬石鐘重自銖兩積衆口所稱歎天心為忻懌每憐機巧徒何殊沐猴棘較智三十里百失希一得晤言籬下英留芳待秋夕晚節將益佳于公有陰德

王官谷聽泉

援琴俯寒泉琅然動幽聽寫彼石上流寄此山中興取聒喧雜空潺湲清響應翻將羽衣曲更作龜茲詠

與趙都事初心

白日照素商朱草合秋朔參旗久未起舉頭見晨角南中有佳士風度甚高邈願生雙羽翰旦莫往數數與行上人道原

樹本連百圍蘿蔓絲成結迴川繚崇構欒櫺隱深樾湍駛泉響急徑險石色滑可容許詢輩清心共禪悅

欽定四庫全書

升山小隱吟錄
卷一

三十一

陳益之壺中

仙翁不知年一壺懸太空晨朝出賣藥日夕入其中雖與市人處不與市人同時有采芝客來自蓬山宮

琴士王彥輔

八音各殊器可貴在絲屬弦歌皆雅調清廟特於穆斯人久已逝唱詠不可續似聞漢中葉猶傳鹿鳴曲舊譜今盡非虛聲以相逐琵琶馬上啼瑩篴水中哭弛張具所宜弦高哀響促庶子一洗之高彈繼遺躅

吳中湯孟實余聞之衍師道原同居七世矣能率正其家人庭無間言室無私藏諸舍少有不律輒晨起盛服至其寢門引咎自責必改而後止天子賜復以表孝義之門館閣名臣皆為詩歌美之余雖未見君子中心藏之矣遂為之詩所謂不必寄元也

麋鹿尚羣聚鸞鳳自孤鶩請書湯氏事願使薄俗敦其人字君實其貌肅且溫推孝達本始同居及諸孫聚食

欽定四庫全書

升山小隱吟錄

卷一

近十指何曾異一門弟兄盡廉士娣姒多淑媛室中無私藏堂上絕忤言賣藥隱東市共知齒德尊佳氣日充閭五雲鬱屯屯九天降雨露自葉將流根賜復以終世舉家蒙厚恩

陳允齋樓居扁曰可以

大樓高百尺青紅半空起小樓二丈餘適事亦可以時節會親姻伏臘供祭祀左方治杼柚前列考圖史覽觀雲水寬玩悅風日美玲瓏豁四窻吾心正如此

陶與權南園別業

瓊田無惡土玉樹多好枝鼎角匿犀者自是名家兒應門有暇日頗作佳園池朝臨二王書暮吟三謝詩花邊迎小車竹下理殘碁賓至可命觴親在志無違

陶氏子竹居

幽居少隣並野竹遶舍生秀色染篇帙疎陰洒簷楹物亦有奇節人將垂令名須裁十二律吹作鳳凰鳴

與韓仲實九日登涵山有懷韓伯清

欽定四庫全書

升山小隱吟錄

卷一

涼氣薄莫商時菊委多露茲辰足相娛舟楫旋且具往日豈復來新人已如故百年幾兩履更踏涵山去穿空上危級身高鳥飛處江天入遐眺暝色起煙樹始昏見橫參歲與秋俱暮君子殊未來役車在中路

無雲而雪時在謝氏

白日天無雲雪花明昀昕僮子走相詫箇箇瑤花饑人尚糠覈寒士方緼黼豐年望先兆無乃為妖氛欲持一書札問彼玄精君中情自激切神聽遠不聞

聞舊館人高斯和之喪弔其子德淵

川谷掩靈氣門戶有喪氛
栖神託微息變滅歸無垠
時過不再春日晏不再晨
諸生尚華髮何況我與君
昔者零芳芷研席遺清芬
輸心結分好無乃太惻勤
嗷嗷霜下鴻猶知念同羣
幾日弔遺孤哭酌青山墳

浙江觀潮似介石兼呈陳守中

朝看潮水生暮看潮水落
大江日東流自繞青山郭
長瀾駕歸風秋氣正蕭索
萬雷鼓騰越百鬼凌噴薄
蛟龍窟宅移蓬梗共漂泊
汎爾龜鼃微碣岸所栖託
浩蕩天地間一氣同橐籥
吳兒踏浪遊自許平生樂

送黃少監晉卿還金華

惟我宗人兄早登南宮試
當時太極賦可使紙價貴
文章有餘勇一鼓作士氣
旋收成均譽遂發蘭臺秘
迎親來遠遊祿仕見初志
懸車不及晚重是愛日意
桓楹樹阡表爨鼎銘祭器
哀榮兩無忝子道茲蓋備
昔往弗可追今歸復何亟
江皋冠蓋集潮水舟楫駛
能無英瓊現

欽定四庫全書

升山小隱吟錄

卷一

持用答嘉遺回首望金華草樹亦增賁

寄介石索寒菊

時菊晚逾好金彩照微霜
庶爾同歲寒解后不得將
寤寐忽有覩道人冠幘黃
入夢還出夢顧影但空房
天地生萬物淹速自其常
甘苦亦隨化樂彼未渠央

介石遺余翁輟歌以為謝

衰年足跌冷火缶不少離
投我雙青輟針跡勻且綴
足然試幽步蹈履必雅地
出戶復入門徘徊感嘉遺
將非尚方烏飄飄有仙氣
歲晚動行色遠道隨所至
南北岐路多遭回來不易
庶將黃石書報君圯上意

寄胡伯衡

陽元外家兒衡也獨爾雅
昔同外角遊今各為老者蹉
跎江海上踈蹙風塵下
餘生復幾時短髮不盈把
久思比園廬猶將弄杯罍
飢鴻遠相呼積雪徧中野

弟瑋來奔父喪寫憂四首

弟從江東來沉痾僅能起
慟哭我先人旅櫬在千里
喪

欽定四庫全書

升山小隱吟錄

卷一